

In Expiratione.

*Assistens, sive Sacerdos pro moriente,
si ipse non potest, pronuntiet clara voce
JESU, JESU, JESU. Quod, et ea quæ
sequuntur, ad illius aures, si videbitur,
etiam saepius repetat.*

*In manus tuas, Dómine, comméndo
spíritum meum. Dómine Jesu
Christe, súscipe spíritum meum. San-
cta María, ora pro me. María Mater
gratiæ, Mater misericordiæ, tu me ab
hoste prótege, et hora mortis súscipe.*

*Egressa anima de corpore, statim di-
catur hoc:*

*R. Subvenite, Sancti Dei; occurrите,
Angeli Dómini, suscipiéntes ániam
ejus: offeréntes eam in conspéctu
Altissimi.*

*V. Suscipiat te Christus, qui vocá-
vit te, et in sinum Abrahæ Angeli
dedúcant te. R. Suscipiéntes ániam
ejus, offeréntes eam in conspéctu
Altissimi.*

*V. Réquiem ætérnam dona ei, Dó-
mine. R. Et lux perpétua lúceat ei.
Offeréntes eam in conspéctu Altis-
simi.*

Kýrie éléison. Christe éléison.

Kýrie éléison. Pater noster, etc.

*V. Et ne nos indúcas in tentatió-
nem. R. Sed libera nos a malo.*

*V. Réquiem ætérnam dona ei, Dó-
mine. R. Et lux perpétua lúceat ei.*

*V. A porta inferi. R. Erue, Dómi-
ne, ániam ejus.*

V. Requiéscat in pace. R. Amen.

*V. Dómine, exaudi orationem me-
am. R. Et clamor meus ad te vé-
niat.*

*V. Dóminus vobiscum. R. Et cum
spiritu tuo.*

Orémus.

*Tibi, Dómine, commendámus án-
iam famuli tui N., ut defunctus
século tibi vivat, et quæ per fragi-
litatem humánæ conversationis pec-
cata commisit, tu vénia misericor-
dissimæ pietatis absterge. Per Chri-
stum Dóminum nostrum.*

R. Amen.

Exsequiarum Ordo.

*Parochus domum ingressus, ubi jacet
Cadaver, illud aspergit aqua benedicta:
mox dicit Antiphonam:*

Si iniquitátes.

Psalmus 129.

De profundis clamávi ad te Dómine:
Dómine exaudi vocem meam.

Fiant aures tuæ intendéntes, in
vocabem deprecationis meæ.

Si iniquitátes observáveris Dómine:
Dómine, quis sustinébit?

Quia apud te propitiatio est: et
propter legem tuam sustinui te Dó-
mine.

Sustinuit ánima mea in verbo ejus:
sperávit ánima mea in Dómino.

A custódia matutína usque ad no-
ctem: speret Israël in Dómino.

Quia apud Dóminum misericordia:
et copiosa apud eum redémptio.

Et ipse rédimet Israël, ex ómnibus
iniquitatibus ejus.

In fine. Réquiem æternam dona
ei, Dómine, et lux perpetua lúceat ei.

Et repetit Antiphonam totam: Si ini-
quitátes observáveris, Dómine: Dó-
mine, quis sustinébit?

*Deinde Cadaver effertur, Parochus-
que de domo procedens, statim gravi
voce intonat:*

Ant. Exsultábunt Dómino.

Et statim inchoat Psalmum 50.

Miserere mei Deus, secundum ma-
gnam misericordiam tuam.

Et secundum multitúdinem miser-
ationum tuarum, dele iniquitatem
meam.

Amplius lava me ab iniquitate mea:
et a peccato meo munda me.

Quóniam iniquitatem meam ego
cognoscō: et peccatum meum contra
me est sémper.

Tibi soli peccavi, et malum coram
te feci: ut justificeris in sermónibus
tuis, et vincas cum judicaris.

Ecce enim in iniquitatibus concé-
ptus sum: et in peccatis concépit me
mater mea.

Ecce enim veritatem dilexisti: incer-
ta, et occulta sapiētiæ tuæ mani-
festasti mihi.

Aspérges me hyssopo, et mundá-
bor: lavabis me, et super nivem del-
albabor.

Auditui meo dabis gaudium et læ-
titiam: et exsultabunt ossa humiliata.

Avérte faciem tuam a peccatis
meis: et omnes iniquitates meas dele.

Cor mundum crea in me Deus: et
spiritum rectum innova in viscéribus
meis.

Ne projicias me a facie tua: et
spiritum Sanctum tuum ne auferas
a me.

Redde mihi lætitiam salutáris tui:
et spíritu principálí confirma me.
Docébo iníquos vias tuas: et ímpii
ad te converténtur.

Líbera me de sanguínibus Deus,
Deus salútis meæ: et exsultábit lin-
gua mea justitiam tuam.

Dómine, lábia mea apéries: et os
meum annuntiábit laudem tuam.

Quóniam si voluisses sacrificium,
dedísssem útique: holocaústis non de-
lectáberis.

Sacrificium Deo spíritus contribu-
látus: cor contritum et humiliátum
Deus non despicies.

Benigne fac Dómine in bona vo-
luntáte tua Sion: ut aëdificentur muri
Jerúsalem.

Tunc acceptábis sacrificium justi-
tiae, oblationes, et holocaústa: tunc
impónent super altáre tuum vitulos.

Réquiem etc.

*Ad ingressum Ecclesiae repetit Anti-
phonam:*
Exsultábunt Dómino ossa humiliáta.

*Deinde Ecclesiam ingressi, cantant
Responsorium, Cantore incipiente, et*

¹ Si corpus non in Ecclesiam, sed statim ad
Sepulcrum defertur, sequitur Antiphona: *In Para-
disum*, pag. 203.

*Clero alternatim respondente, vide-
licet:*

Subveníte, Sancti Dei; occúrrite,
Angeli Dómini: Suscipiéntes ánima-
ejus: Offeréntes eam in conspéctu
Altissimi.

*V. Suscipiat te Christus, qui vocá-
vit te: et in sinum Abrahæ Angeli
dedúcant te. R. Suscipiéntes ánima-
ejus: Offeréntes eam in conspéctu
Altissimi.*

*V. Réquiem aëternam dona ei, Dó-
mine. R. Et lux perpétua lúceat ei.*

Offeréntes eam in conspéctu Al-
tissimi.

*Deposito Feretro in medio Ecclesiae,
ita ut Defuncti pedes, si fuerit laicus,
sint versus Altare Majus, si vero fuerit
Sacerdos, ¹ caput sit versum ipsum Altare,
et cereis accensis circa corpus,
statim, nisi quid impeditat,² dicatur
Officium Mortuorum cum tribus No-*

¹ In Exequiis defuncti Sacerdotis præsenti
corpore locetur Crux ad caput Defuncti inter fere-
trum et Altare (S. R. C. 3. Sept. 1746), et Cele-
brans se sistit semper ad pedes Defuncti contra
Crucem.

² Si Cadaver delatum sit in Ecclesiam, Offi-
cium autem Mortuorum ad aliud tempus remitta-
tur, post Subveníte addi potest Kyrie, Pater noster
et Oratio Absólee cum aspersione (S. R. C. 7. Sept.
1850).

cturnis et Laudibus, et duo ex Clero incipiunt absolute Invitatorium: Regem, cui ómnia vivunt, venite adorémus, et repetitur a Clero: Regem, cui ómnia vivunt, etc. Ps. Veníte, exsultémus, etc. et duplicantur Antiphonæ.

Ad finem Officii post Antiphonam Cantici Benedictus, etc. Ego sum resurrectio etc. dicitur Pater noster. secreto.

V. Et ne nos inducas in tentatiōnem. R. Sed libera nos a malo.

V. A porta inferi. R. Erue, Dómine, ánimam ejus.

V. Requíescat in pace. R. Amen.

V. Dómine exaudi oratiōnem meam. R. Et clamor meus ad te véniat.

V. Dóminus vobiscum. R. Et cum spíritu tuo.

Orémus.

Absólve, quæsumus Dómine, ánimam fábuli tui (*vel* fábulæ tuæ) N., ab omni vinculo delictórum: ut in resurrectiōnis glória inter Sanctos et Eléctos tuos resuscitátus (*vel* resuscitáta) respiret. Per Christum Dóminum nostrum. R. Amen.

Dum in Officio dicuntur Laudes, Sacerdos cum Ministris paratur ad ce-

lebrandam Missam solemnem pro Defuncto, si tempus congruens fuerit, ut in die Depositionis in Missali Romano.

Quod si Missa solemnis, presente Cadavere, non celebratur, absolute dicit sequentem Orationem:

Non intres in iudicium cum servo tuo, Dómine, quia nullus apud te justificábitur homo, nisi per te ómnium peccatórum ei tribuátur remissio. Non ergo eum, quæsumus, tua judicális senténtia premat, quem tibi vera supplicatió fidei christiánæ comméndat: sed, gráttia tua illi succurrénte, mereátur evadere iudicium ultiónis, qui dum viveret, insignitus est signáculo sanctæ Trinitatis: Qui vivis et regnas in sǽcula sǽculórum.

R. Amen.

Deinde, Parochio vel Cantore incipiente, circumstantes cantant sequens

R. Libera me, Dómine, de morte æterna in die illa treménda: * Quando cœli móvendi sunt, et terra: * Dum vénéreris judicare sǽculum per ignem.

V. Tremens factus sum ego, et tímeo, dum discussiō vénérerit, atque ventúra ira. R. Quando cœli móvendi sunt, et terra,

¶. Dies illa, dies iræ, calamitatis et misericordiae, dies magna, et amara valde. R. Dum veneris judicare saeculum per ignem.

¶. Requiem aeternam dona eis, Domine: et lux perpetua luceat eis. R. Libera me, Domine, de morte aeterna in die illa tremenda.

¶. Quando celi movendi sunt, et terra. R. Dum veneris judicare saeculum per ignem.

Dum cantatur praedictum Responsorium, Sacerdos accipit incensum de navicula et ponit in thuribulum.

Tum ipse Sacerdos dicit:

¶. Kyrie eleison. Christe eleison.

¶. Kyrie eleison.

Pater noster. secreto.

Interim accipit Aspersorium aqua benedictæ, et facta profunda inclinatione Crucis, quæ est ex adverso, aspergit corpus Defuncti (si transitus ante Sacramentum gemflectit); deinde reversus ad locum suum, accipit thuribulum, et eodem modo circuit feretrum, et corpus incensat, ut asperserat, postea dicit:

¶. Et ne nos inducas in tentationem. R. Sed libera nos a malo.

¶. A porta inferi. R. Erue, Domine, animam ejus.

¶. Requiescat in pace. R. Amen.

¶. Domine, exaudi orationem meam. R. Et clamor meus ad te veniat.

¶. Dominus vobiscum. R. Et cum spiritu tuo.

Orémus.

Deus, cui primum est misereri semper, et parcere: te supplices exoramus pro anima famuli tui N. (vel ancillæ tuæ N.), quam hodie de hoc saeculo migrare jussisti; ut non tradas eam in manus inimici, neque obliviscaris in finem, sed jubreas eam a sanctis Angelis suscipi, et ad patriam Paradisi perduci: ut quia in te speravit et credidit, non penas inferni sustineat, sed gaudia aeterna possideat. Per Christum Dominum nostrum. R. Amen.

Si defunctus fuerit Sacerdos, in Oratione dicatur: pro anima famuli tui N. Sacerdotis, quam hodie, etc.

Finita Oratione, si tunc deferendum sit corpus ad Sepulchrum, dum portatur canitur

Antiphona: In Paradisum deducant te Angeli: in tuo adventu suscipiant te Martires, et perducant te in civitatem sanctam Jerusalem. Chorus

Angelorum te suscipiat, et cum Lazaro quondam paupere æternam habeas requiem.

Cum autem pervenerit ad Sepulchrum, si non est benedictum, Sacerdos illud benedicit, dicens hanc Orationem:

Orémus.

Deus, cuius miseratione animæ fidélium requiéscunt, hunc tumulum bene ✠ dicere dignare, eique Angelum tuum sanctum députa custodem; et quorum, quarumque corpora hic sepeliuntur, animas eorum ab omnibus absolve vinculis delictorum, ut in te semper cum Sanctis tuis sine fine lætentur. Per Christum Dóminum nostrum. R. Amen.

Dicta Oratione, Sacerdos aqua benedicta aspergat, deinde incenset corpus Defuncti et tumulum.

Quod si corpus tunc ad Sepulturam non deferatur, omisso Responsoriō In Paradisum, etc., intonat statim

Antiph. Ego sum.

Canticum Zacharie. Iac. 1.g.

Benedictus Dóminus Deus Israël: B quia visitavit, et fecit redemptiō nem plebis suae.

Et erexit cornu salutis nobis, in domo David pueri sui.

Sicut locutus est per os sanctorum, qui a saeculo sunt, Prophetarum ejus.

Salutem ex inimicis nostris, et de manu omnium, qui odérunt nos.

Ad faciéndam misericordiam cum pátribus nostris: et memorári testamenti sui sancti.

Jusjurandum, quod juravit ad Abraham patrem nostrum: datúrum se nobis.

Ut sine timore, de manu inimicorum nostrorum liberati, serviámus illi.

In sanitate et justitia coram ipso, omnibus diébus nostris.

Et tu, puer, Prophéta Altissimi vocáberis: præbis enim ante fáciem Dómini, parare vias ejus.

Ad dandam scientiam salutis plebi ejus: in remissiōnem peccatorum eorum.

Per viscera misericordiae Dei nostri: in quibus visitavit nos, oriens ex alto.

Illuminare his, qui in tenebris, et in umbra mortis sedent: ad dirigendos pedes nostros in viam pacis.

Réquiem æternam etc.

Ant. Ego sum resurréctio et vita: qui credit in me, étiam si mórtuus fúerit, vivet: et omnis qui vivit et credit in me, non moriétur in ætérnum.

Postea Sacerdos dicit:

Kýrie éléison. Christe éléison.
Kýrie éléison. Pater noster. *secreto.*

Interim corpus aspergit.

V. Et ne nos indúcas in tentatió-
nem. *R.* Sed libera nos a malo.

V. A porta inferi. *R.* Erue, Dó-
mine, ánimam ejus.

V. Requíescat in pace. *R.* Amen.

V. Dómine, exaudi oratióne-
mam. *R.* Et clamor meus ad te véniat.

V. Dóminus vobíscum. *R.* Et cum
spíitu tuo.

Orémus.

Pro Defuncto. Oratio.

*F*ac, quæsumus Dómine, hanc cum
servo tuo defúncto misericórdiam,
ut factórum suórum in pœnis non re-
cipiat vicem, qui tuam in votis ténuit
voluntátem; ut, sicut hic eum vera
fides junxit fidélium turmis, ita illuc
eum tua miserátio sóciat Angéli-

cis choris. Per Christum Dóminum
nostrum. *R.* Amen.

Orémus.

Pro Defuncta. Oratio.

*F*ac, quæsumus Dómine, hanc cum
fámula tua defúncta misericórdiam,
ut factórum suórum in pœnis
non recipiat vicem, quæ tuam in votis
ténuit voluntátem; ut, sicut hic
eam vera fides junxit fidélium tur-
mis, ita illuc eam tua miserátio só-
ciat Angélicis choris. Per Christum
Dóminum nostrum. *R.* Amen.

V. Réquiem ætérrnam dona ei, Dó-
mine. *R.* Et lux perpétua luceat ei.

V. Requíescat in pace. *R.* Amen.

V. Anima ejus, et ánimæ ómnium
fidélium defunctórum per misericór-
diam Dei requíescant in pace.

R. Amen.

*Deinde a sepultura in Ecclesiam, vel
in Sacristiam revertentes, dicant sine
cantu Antiphonam: Si iniquitátes, cum
Psalmo: De profundis, etc., Réquiem
ætérrnam dona eis, Dómine, etc.*

De Exsequiis Parvulorum.

Cum igitur Infans, vel Puer baptizatus defunctus fuerit ante usum rationis,¹ induitur juxta ætatem, et imponitur ei corona de floribus, seu de herbis aromaticis et odoriferis, in signum integratatis carnis et virginitatis; Parochus superpelliceo et stola alba indutus, et alii de Clero, si adsint, præcedente Cruce, quæ sine hasta defertur, accedunt ad domum Defuncti cum Clerico aspersorium deferente. Domum ingressus Sacerdos aspergit corpus, deinde dicit: Antiph. Sit nomen Dómini.

Psalmus 112.

Laudáte, pueri, Dóminum; laudáte nomen Dómini.

Sit nomen Dómini benedictum: ex hoc nunc, et usque in sæculum.

A solis ortu usque ad occasum, laudabile nomen Dómini.

Excélsus super omnes gentes Dóminus: et super cœlos glória ejus.

Quis sicut Dóminus Deus noster, qui in altis hábitat, et humilia réspicit in cœlo et in terra?

¹ Commuter censorit ii, qui septimum nondum compleverunt annum, nisi malitia supplet ætatem.

Súscitans a terra ínopem: et de stercore érigens paúperem:

Ut cõlocet eum cum principibus, cum principibus populi sui.

Qui habitare facit stérilem in domo, matrem filiorum lætântem.

Glória Patri, et Filio, et Spiritui Sancto.

Sicut erat in princípio, et nunc, et semper, et in sæcula sæculorum. Amen.

Antiph. Sit nomen Dómini benedictum, ex hoc nunc et usque in sæculum.

Dum portatur ad Ecclesiam, dicatur Psalmus 118.

Beáti immaculati in via, qui ámbulant in lege Dómini.

Beáti qui scrutántur testimónia ejus; in toto corde exquirunt eum.

Non enim qui operántur iniquitatem, in viis ejus ambulaverunt.

Tu mandasti mandata tua custodiri nimis.

Utinam dirigántur viæ meæ, ad custodiendas justificatiōnes tuas!

Tunc non confundar, cum perspèxero in ómnibus mandatis tuis.

Confitébor tibi in directiōne cordis: in eo quod didici judicia justitiæ tuæ.

sb Justificatiōnes tuas custódiam: non
me derelinquas usquequáque.

In quo córrigit adolescentior viam
suam? in custodiéndo sermónes tuos.

In toto corde meo exquisívi te: ne
repellas me a mandátis tuis.

In corde meo abscóndi élóquia tua,
ut non peccem tibi.

Benedictus es, Dómine: doce me
justificatiōnes tuas.

In lábiis meis pronuntiávi ómnia
judicia oris tui.

In via testimoniórum tuórum dele-
ctátus sum, sicut in ómnibus divitiis.

In mandátis tuis exercébor: et con-
siderábo vias tuas.

In justificatiōnibus tuis meditábor:
non oblíviscar sermónes tuos.

Glória Patri, etc.
Et si tempus superest, dici potest:

Psalmus 148.

Laudáte Dóminum de cœlis: laudáte
eum in excélsis.

Laudáte eum omnes Angeli ejus:
laudáte eum omnes virtútes ejus.

Laudáte eum sol et luna: laudáte
eum omnes stellæ et lumen.

Laudáte eum cœli cœlórum: et
aquæ omnes, quæ super cœlos sunt,
laudent nomen Dómini.

Quia ipse dixit, et facta sunt: ipse
mandávit, et creáta sunt.

Státuit ea in ætérnum, et in sǽ-
culum sǽculi: præcéptum pósuit, et
non præteribit.

Laudáte Dóminum de terra: dracó-
nes et omnes abyssi.

Ignis, grando, nix, gláicies, spiritus
procellárum: quæ fáciunt verbum
ejus.

Montes et omnes colles: ligna fru-
ctifera et omnes cedri:

Béstiae et univérsa pécora: serpén-
tes et vólucres pennátæ:

Reges terræ, et omnes pôpuli:
príncipes, et omnes júdices terræ.

Júvenes et vírgines, senes cum ju-
nióribus laudent nomen Dómini: quia
exaltatum est nomen ejus solius.

Confessio ejus super cœlum et ter-
ram: et exaltávit cornu pôpuli sui.

Hymnus ómnibus sanctis ejus: fi-
liis Israël, pôpulo appropinquanti sibi.

Psalmus 149.

Cantáte Dómino canticum novum:
laus ejus in Ecclésia Sanctórum.

Lætetur Israël in eo, qui fecit eum:
et filii Sion exsultent in Rege suo.

Laudent nomen ejus in choro: in
týmpano, et psaltério psallant ei.

Quia beneplácitum est Dómino in populo suo: et exaltábit mansuétos in salútem.

Exsultábunt Sancti in glória: lætabúntur in cubílibus suis.

Exaltatiónes Dei in gútture eórum; et gláddi ancípites in mánibus eórum.

Ad faciéndam vindictam in natióibus: increpatiōnes in pópolis.

Ad alligándos reges eórum in compédibus: et nóbiles eórum in mánicis férreis.

Ut fácient in eis judicium conscriptum: glória hæc est ómnibus Sanctis ejus.

Psalmus 150.

Laudáte Dóminum in sanctis ejus: laudáte eum in firmaménto virtutis ejus.

Laudáte eum in virtútibus ejus: laudáte eum secúndum multitúdinem magnitudinis ejus.

Laudáte eum in sono tubæ: laudáte eum in psaltério et cithara.

Laudáte eum in týmpano, et choro: laudáte eum in chordis et órgano.

Laudáte eum in cýmbalis benesnántibus: laudáte eum in cýmbalis jubilatiónis: omnis spíritus laudet Dóminum. — Glória Patri, etc.

Cum autem pervenerit ad Ecclesiam, dicatur:

Antiph. Hic accípiet.

Psalmus 23.

Dómini est terra, et plenitúdo ejus: orbis terrárum, et univérsi, qui hábitant in eo.

Quia ipse super mária fundávit eum: et super flúmina præparávit eum.

Quis ascéndet in montem Dómini? aut quis stabit in loco sancto ejus?

Innocens mánibus, et mundo corde, qui non accépit in vano ánimag suam, nec jurávit in dolo próximo suo.

Hic accípiet benedictiōnem a Dómino, et misericórdiam a Deo salutári suo.

Hæc est generatiō quæréntium eum, quæréntium fáciem Dei Jacob.

Attóllite portas, príncipes, vestras, et elevámini portæ æternáles: et introíbit Rex gloriæ.

Quis est iste Rex gloriæ? Dóminus fortis et potens, Dóminus potens in prælio.

Attóllite portas, príncipes, vestras, et elevámini portæ æternáles: et introíbit Rex gloriæ.

Quis est iste Rex gloriæ? Dóminus virtutum, ipse est Rex gloriæ.
Glória Patri, etc.

Antiph. Hic accipiet benedictiōnem a Dómino, et misericordiam a Deo salutari suo: quia hæc est generatiō quærentiū Dóminum.

Postea dicitur:

Kyrie élison. Christe élison.
Kyrie élison. Pater noster. *secreto.*

Interim corpus aspergit.

¶. Et ne nos inducas in tentatiō nem. R. Sed libera nos a malo.

¶. Me autem propter innocētiām suscepisti. R. Et confirmasti me in conspectu tuo in ætérnum.

¶. Dóminus vobiscum. R. Et cum spiritu tuo.

Orémus.

Omnípotens et mitissime Deus, qui ómnibus párvulis renátis fonte Baptismatis, dum migrant a sǽculo, sine ullis eórum méritis, vitam illico largiris ætérnam, sicut animæ hujus párvuli hodie crédimus te fecisse: fac nos, quæsumus, Dómine, per intercessiōnem beatæ Maríæ semper Virginis, et ómnium Sanctórum tuórum, hic purificatis tibi méntibus fa-

mulári, et in Paradiso cum beátis párvulis perénmiter sociári. Per Chri stum Dóminum nostrum. R. Amen.

Dum portatur ad tumulum, et etiam si tunc non portetur, dicitur:

Antiph. Júvenes.

Ps. 148. Laudáte Dóminum, etc., pag. 210.

In fine Glória Patri, etc.

Antiph. Júvenes et virgines, senes cum júnioribus laudent nomen Dómini.

Kyrie élison. Christe élison.
Kyrie élison. Pater noster. *secreto.*

¶. Et ne nos inducas in tentatiō nem. R. Sed libera nos a malo.

¶. Sinite párvulos venire ad me. R. Tálium est enim regnum cœlorum.

¶. Dóminus vobiscum. R. Et cum spiritu tuo.

Orémus.

Omnípotens sempitérne Deus, sanctæ puritatis amátor, qui ánimam hujus párvuli ad cœlorum regnum hodie misericorditer vocare dignatus es: dignérис etiam, Dómine, ita nobiscum misericorditer agere, ut méritis tuæ sanctissimæ Passiōnis, et intercessiōne beatæ Maríæ semper

Vírginis, et ómnium Sanctórum tuórum, in eódem regno nos cum ómnibus Sanctis et Eléctis tuis semper fáciás congaudére: Qui vivis et regnas cum Deo Patre, in unitáte Spíritus Sancti Deus, per ómnia sǽcula sǽculórum. R. Amen.

Deinde Sacerdos corpus aspergat aqua benedicta, et thurifacet, similiter et tumultum: postea sepeliatur.

Cum autem a sepultura revertuntur in Ecclesiam, seu Sacristiam, dicatur: Antiph. Benedicite.

Canticum trium Puerorum.

Dan. 3.

Benedicite ómnia ópera Dómini Dómino: laudáte et superexaltáte eum in sǽcula.

Benedicite Angeli Dómini Dómino: benedicite cœli Dómino.

Benedicite aquæ omnes, quæ super cœlos sunt, Dómino: benedicite omnes virtutes Dómini Dómino.

Benedicite sol et luna Dómino: benedicite stellæ cœli Dómino.

Benedicite omnis imber et ros Dómino: benedicite omnes spíritus Dei Dómino.

Benedicite ignis et aestus Dómino: benedicite frigus et aestus Dómino.

Benedicite rores et pruina Dómino: benedicite gelu et frigus Dómino.

Benedicite gláicies et nives Dómino: benedicite noctes et dies Dómino.

Benedicite lux et ténebræ Dómino: benedicite fulgura et nubes Dómino.

Benedicat terra Dóminum: laudet, et superexaltet eum in sǽcula.

Benedicite montes et colles Dómino: benedicite univérsa germinántia in terra Dómino.

Benedicite fontes Dómino: benedicite mária et flúmina Dómino.

Benedicite cete, et ómnia, quæ móventur in aquis, Dómino: benedicite omnes vólucres cœli Dómino.

Benedicite omnes béstiae et pécora Dómino: benedicite filii hóminum Dómino.

Benedicat Israël Dóminum: laudet et superexaltet eum in sǽcula.

Benedicite sacerdótes Dómini Dómino: benedicite servi Dómini Dómino.

Benedicite spíritus et ánime justórum Dómino: benedicite sancti et húmiles corde Dómino.

Benedicite Ananía, Azaría, Mísael Dómino: laudáte et superexaltáte eum in sácula.

Benedicámus Patrem et Filium cum Sancto Spíitu: laudémus et superexaltémus eum in sácula.

Benedictus es Dómine in firmamento cœli: et laudábilis, et gloriósus, et superexaltátus in sácula.

Ant. Benedicte Dóminum, omnes electi ejus, ágite dies lætitiæ et confitémini illi.

Deinde ante Altare Sacerdos dicit:

V. Dóminus vobiscum.

R. Et cum spíitu tuo.

Orémus.

Deus, qui miro órdine Angelórum ministéria, hominúmque dispén-sas: concéde propítius; ut a quibus tibi ministrántibus in cœlo semper assístitur, ab his in terra vita nostra muniátur. Per Christum Dóminum nostrum. *R. Amen.*

Ritus celebrandi

Matrimonii Sacramentum.

Parochus igitur Matrimonium cele-braturus, superpelliceo et alba stola in-dutus, coram tribus aut duobus testibüs, virum et mulierem, de consensu in Ma-trimonium interroget, utrumque singu-latim in hunc modum vulgari sermone:

N. vis accipere N. hic præséntem in tuam legitimam uxórem juxta ri-tum sanctæ matris Ecclésiæ?

Respondeat Sponsus: Volo.

Mox Sacerdos Sponsam interroget:

N. vis accipere N. hic præséntem in tuum legitimum maritum juxta ri-tum sanctæ matris Ecclésiæ?

Respondeat Sponsa: Volo.

Mutuo igitur contrahentium consensu intellecto, Sacerdos jubeat eos invicem jungere dexterás, dicens:

Ego conjúgo vos in matrimonium, in nōmine Patris , et Filii, et Spíritus Sancti. Amen.

Mox benedicat annulum.

Benedictio Annuli.

V. Adjutórium nostrum in nómine Dómini. **R.** Qui fecit cœlum et terram.

V. Dómine, exaudi oratiórem meam. **R.** Et clamor meus ad te véniat.

V. Dóminus vobiscum. **R.** Et cum spíitu tuo.

Orémus.

Bénedic, ♫ Dómine, ánnulum hunc, quem nos in tuo nómine benedícimus ♫, ut quæ eum gestáverit, fidelitatēm integrām suo sposo tenens, in pace, et voluntatē tua permáneat, atque in mútua caritatē semper vivat. Per Christum Dóminum nostrum. **R.** Amen.

Deinde Sacerdos aspergat annulum aqua benedicta in modum crucis; et sponsus acceptum annulum de manu Sacerdotis imponit in dígito annulari sinistræ manus sponsæ, Sacerdote dicente:

In nómine Patris, ♫ et Filii, et Spíritus Sancti. Amen.

Mox subjungat:

V. Confirma hoc, Deus, quod operátus es in nobis. **R.** A templo sancto tuo, quod est in Jerúalem.

Kýrie éléison. Christe éléison.
Kýrie éléison. Pater noster. *secreto.*

V. Et ne nos indúcas in tentatió nem. **R.** Sed libera nos a malo.

V. Salvos fac servos tuos. **R.** Deus meus, sperántes in te.

V. Mitte eis, Dómine, auxilium de sancto. **R.** Et de Sion tuére eos.

V. Esto eis, Dómine, turris fortitudinis. **R.** A facie inimici.

V. Dómine, exaudi oratiórem meam. **R.** Et clamor meus ad te véniat.

V. Dóminus vobiscum. **R.** Et cum spíitu tuo.

Orémus.

Réspice, quæsumus Dómine, super hos fámulos tuos: et institútis tuis, quibus propagatiórem humáni géneris ordinásti, benignus assiste; ut qui te auctóre junguntur, te auxiliante servéntur. Per Christum Dóminum nostrum. **R.** Amen.

His expletis, si benedicendæ sint nuptiae, Parochus Missam pro Sponso et Sponsa, ut in Missali Romano, celebret, servatis omnibus, quæ ibi præscribuntur.

De benedictione mulieris post partum.

Si qua puerpera post partum, juxta piam ac laudabilem consuetudinem, ad Ecclesiam venire voluerit, pro incolumitate sua Deo gratias actura, petieritque a Sacerdote benedictionem, ipse superpelliceo et stola alba indutus, cum ministro aspergillum deferente, ad fines Ecclesiae accedat, ubi illam foris ad lumen genuflectentem, et candelam accensam in manu tenentem, aqua benedicta asperget, deinde dicat:

¶. Adjutorium nostrum in nomine Domini. ¶. Qui fecit celum et terram.

Ant. Hæc accipiet.

Psalmus 23.

Domini est terra, et plenitudo ejus: orbis terrarum, et universi qui habitant in eo.

Quia ipse super maria fundavit eum: et super flumina preparavit eum.

Quis ascendet in montem Domini? aut quis stabit in loco sancto ejus?

Innocens manibus, et mundo corde: qui non accipit in vano animam suam, nec juravit in dolo proximo suo.

Hic accipiet benedictionem a Domino: et misericordiam a Deo salutari suo.

Hæc est generatio querentium eum, querentium faciem Dei Jacob.

Attollite portas principes vestras, et elevamini portæ aeternales: et introibit rex gloriae.

Quis est iste rex gloriae? Dominus fortis et potens, Dominus potens in praelio.

Attollite portas principes vestras, et elevamini portæ aeternales: et introibit rex gloriae.

Quis est iste rex gloriae? Dominus virtutum ipse est rex gloriae.

Gloria Patri, etc.

Et repetitur Antiphona: Hæc accipiet benedictionem a Domino, et misericordiam a Deo salutari suo: quia hæc est generatio querentium Dominum.

Deinde porrigenus ad manum mulieris extremam partem stola, eam introducit in Ecclesiam, dicens:

Ingredere in templum Dei, adorare Filium beatæ Mariæ Virginis qui tibi fecunditatem tribuit prolis.

Et ipsa ingressa, genuflectit coram Altari, et orat, gratias agens Deo de beneficiis sibi collatis: et Sacerdos dicit:

Kýrie éléison. Christe éléison.
Kýrie éléison.

Pater noster. *secreto.*

V. Et ne nos inducas in tentatió-
nem. R. Sed libera nos a malo.

V. Salvam fac ancillam tuam, Dó-
mine. R. Deus meus, sperántem
in te.

V. Mitte ei, Dómine, auxilium de
sancto. R. Et de Sion tuére eam.

V. Nihil proficiat inimicus in ea.
R. Et filius iniquitatis non appónat
nocére ei.

V. Dómine, exaudi oratióne me-
am. R. Et clamor meus ad te vé-
niat.

V. Dóminus vobíscum. R. Et cum
spíitu tuo.

Orémus.

Omnipotens, sempiterne Deus, qui
per beatæ Mariæ Virginis partum
fidélium pariéntium dolores in gaú-
dium vertisti: respice propitius super
hanc famulam tuam, ad templum
sanctum tuum pro gratiarum actione
lætam accédentem; et præsta, ut post

hanc vitam, ejusdem beatæ Mariæ
méritis, et intercessióne, ad æternæ
beatitudinis gáudia cum prole sua
pervenire mereátur. Per Christum
Dóminum nostrum.

R. Amen.

*Deinde illam aspergit iterum aqua
benedicta in modum crucis, dicens:*

Pax et benedictio Dei omnipotén-
tis, Patris **X**, et Filii, et Spíritus
Sancti, descéndat super te, et maneat
semper. Amen.

